



Llywodraeth Cymru
Welsh Government

PWYLLGOR CYNGHORI CYMRU AR REOLIADAU ADEILADU

Penodi Aelodau

Gwybodaeth i Ymgeiswyr

Datganiad am amrywiaeth

Mae Llywodraeth Cymru yn credu y dylai aelodau o fyrddau cyrff cyhoeddus adlewyrchu'r gymdeithas yng Nghymru - a chynnwys pobl o bob cefndir - i'w helpu i ddeall anghenion pobl a gwneud penderfyniadau gwell. O ganlyniad, mae Llywodraeth Cymru yn annog ystod eang ac amrywiol o unigolion i ymgeisio am benodiadau i gyrff cyhoeddus. Rydym yn croesawu yn arbennig felly geisiadau gan bob grŵp nad yw wedi'i gynrychioli'n ddigonol gan gynnwys menywod, pobl o dan 30 oed, aelodau o leiafrifoedd ethnig, pobl anabl a phobl lesbiaidd, hoyw, ddeurywiol a thrawsrywiol.

Yn gadarn o blaid pobl anabl

Mae Llywodraeth Cymru yn gweithredu cynllun Cadarn o Blaid Pobl Anabl ac yn croesawu ceisiadau gan bobl sydd ag anableddau. Mae'r cynllun hwn yn sicrhau cyfweiliad i bobl sydd ag anableddau os byddant yn bodloni gofynion sylfaenol y swydd. Mae'r ffurflen gais hefyd yn eich galluogi i nodi unrhyw anghenion penodol sydd gennych neu offer penodol all fod ei angen arnoch os cewch wahoddiad i gael cyfweiliad.



RECRIWTIO AELODAU YCHWANEGOL I BWYLLGOR CYNGHORI CYMRU AR REOLIADAU ADEILADU

PECYN GWYBODAETH I YMGEISWYR

Cyflwyniad

Proses o wneud penodiadau cyhoeddus sy'n cael ei dilyn gan Gyfarwyddiaeth Gynllunio Llywodraeth Cymru yw hon. Ei nod yw penodi pedwar aelod i Bwyllgor Cyngori Cymru ar Reoliadau Adeiladu. Er nad yw'r penodiadau hyn yn rhan o gylch gwaith y Comisiynydd Penodiadau Cyhoeddus dilynir proses sy'n ystyried arferion gorau 'Cod Ymarfer ar gyfer Penodiadau gan Weinidogion i Gyrff Cyhoeddus' y Comisiynydd. Mae'r Cod yn sicrhau bod pob penodiad yn cael ei wneud ar sail teilyngdod, gan ddilyn gweithdrefnau agored a thryloyw sy'n ystyried cyfle cyfartal ac amrywiaeth.

Mae'r ymarfer recriwtio hwn yn cael ei hysbysebu ar wefan Llywodraeth Cymru yn <http://www.cymru.gov.uk/publicappointments>. Mae Llywodraeth Cymru hefyd yn ysgrifennu at nifer o sefydliadau sydd â diddordeb er mwyn tynnu eu sylw at yr ymarfer hwn.

Mae'r pecyn gwybodaeth hwn yn darparu manylion i ymgeiswyr ac mae'n cynnwys:

	Tudalen
• Cyflwyniad	3
• Cefndir Pwyllgor Cyngori Cymru (gan gynnwys ei rôl)	4-5
• Manyleb y rôl a'r person	6-7
• Amlinelliad o'r telerau penodi	7-8
• Sut i ymgeisio a'r broses recriwtio	9-10

Y DYDDIAD CAU AR GYFER CEISIADAU AELODAU YW 18 GORFFENNAF AC NI FYDD FFURFLENNI CAIS A DDERBYNNIR AR ÔL Y DYDDIAD HWN YN CAEL EU HYSTYRIED.

Gellir darparu'r pecyn gwybodaeth hwn mewn ffurfiau eraill hefyd, megis print bras neu Braille a gellir cael copi drwy ffonio 029 2082 5454.

CEFNDIR PWYLLGOR CYNGHORI CYMRU AR REOLIADAU ADEILADU

Y Rheoliadau Adeiladu

Mae'r pwerau i wneud rheoliadau adeiladu wedi'u cynnwys yn Neddf Adeiladu 1984 (y Ddeddf). Mae'r Ddeddf yn darparu y gellir gwneud rheoliadau adeiladu er mwyn sicrhau iechyd, diogelwch, lles a hwylustod pobl mewn adeiladau neu o'u cwrpas; hyrwyddo arbed tanwydd ac ynni; atal gwastraffu, camddefnyddio neu halogi dŵr; hyrwyddo gwarchod neu wella'r amgylchedd; hwyluso datblygu cynaliadwy; a hyrwyddo datrys ac atal troseddau.

Mae Gorchymyn Gweinidogion Cymru (Trosglwyddo Swyddogaethau) (Rhif 2) 2009 (y GTS) yn trosglwyddo pwerau'r Ysgrifennydd Gwladol o dan y Ddeddf (â rhai eithriadau) i Weinidogion Cymru o 31 Rhagfyr 2011. O dan adran 14(5) o'r Ddeddf (fel y'i diwygiwyd gan y GTS) bydd gan Weinidogion Cymru ddyletswydd i benodi Pwyllgor Cyngori Cymru ar Reoliadau Adeiladu.

Mae'r rheoliadau adeiladu presennol yn cynnwys amrediad eang o'r hyn a elwir yn *ofynion cymwys* y mae'n rhaid i waith adeiladu gydymffurfio â hwy. Mae'r gofynion hyn wedi cael eu rhannu'n bedair rhan ar ddeg fel y nodir isod:

Rhan

A	Adeiladwaith
B	Diogelu rhag tân
C	Paratoi'r safle a'i alluogi i wrthsefyll halogyddion a lleithder
D	Sylweddau gwenwynig
E	Atal llif sain
F	Awyru
G	Glanweithdra, diogelwch dŵr poeth ac effeithlonrwydd dŵr
H	Draeniau a gwaredu gwastraff
J	Offer hylosgi a systemau storio tanwydd
K	Diogelwch rhag disgyn, gwrthdaro ac ardaro
L	Arbed tanwydd ac ynni
M	Mynediad i adeiladau a'r defnydd ohonynt
N	Gwydr – diogelwch o ran ardaro, agor a glanhau
P	Diogelwch trydanol

Mae Cyfarwyddiaeth Gynllunio Llywodraeth Cymru'n gyfrifol am bolisi sy'n gysylltiedig â rheoliadau adeiladu yng Nghymru. Mae'r rheoliadau adeiladu'n helpu i sicrhau adeiladau sy'n ddiogel ac yn iach, ac sydd â'u safonau hygyrchedd a chynaliadwyedd wedi codi bob yn dipyn dros gyfnod.

Rôl Pwyllgor Cyngori Cymru ar Reoliadau Adeiladu

Sefydlwyd y Pwyllgor Cyngori ar Reoliadau Adeiladu yn wreiddiol yn 1962 o dan adran 9 o Ddeddf Iechyd y Cyhoedd 1961 (sydd bellach wedi'i disodli gan adran 14 o'r Ddeddf Adeiladu) i gynghori'r Ysgrifennydd Gwladol priodol ynghylch ymarfer ei bwerau i wneud rheoliadau adeiladu ac ar faterion eraill perthnasol yng Nghymru a Lloegr.

Yn ymarferol, gofynnir am farn y Pwyllgor Cyngori ar bob polisi a mater technegol perthnasol sy'n ymwneud â rheoliadau adeiladu yng Nghymru. Mae'r Pwyllgor Cyngori felly'n fwrdd seinio pwysig ar gyfer materion sy'n effeithio'n uniongyrchol ar y diwydiant adeiladu ac, mewn ffordd, ar y diwydiant adeiladwaith ehangach, fel arfer cyn ymgynghori'n ffurfiol â'r holl randdeiliaid.

Penodir aelodau Pwyllgor Cyngori Cymru ar Reoliadau Adeiladu fel aelodau annibynnol a fydd yn cynrychioli meysydd arbenigedd a phrofiad penodol, ac nid fel cynrychiolwyr penodol sefydliadau arbennig. Mae'r Gyfarwyddiaeth Gynllunio'n chwilio am bedwar aelod ychwanegol at aelodau'r Bwrdd presennol i gynrychioli'r meysydd y cyfeirir atynt isod dan 'Fanyleb y Person' yn yr ymarfer recriwtio presennol.

Diffinnir y Pwyllgor Cyngori fel panel cyngori statudol ac mae hefyd wedi cael ei ddynodi'n Bwyllgor Cyngori Gwyddonol o dan God Ymarfer y Llywodraeth ar gyfer Pwyllgorau Cyngori Gwyddonol 2001.

Y berthynas â Chyfarwyddiaeth Gynllunio Llywodraeth Cymru

Penodir aelodau Pwyllgor Cyngori Cymru ar Reoliadau Adeiladu gan Weinidogion Cymru. Mae Gweinidogion Cymru'n gyfrifol am wneud a diwygio'r rheoliadau adeiladu yng Nghymru, a byddant yn noddi ac yn ymgynghori â'r Pwyllgor Cyngori drwy swyddogion yn y Gyfarwyddiaeth Gynllunio. Darperir yr Ysgrifenyddiaeth gan y Gyfarwyddiaeth Gynllunio.

MANYLEB RÔL YR AELODAU

Teitl y rôl: Aelod o Bwyllgor Cynggori Cymru ar Reoliadau Adeiladu

Corff noddi: Cyfarwyddiaeth Gynllunio Llywodraeth Cymru

Pwrpas y swydd: Cynorthwyo Pwyllgor Cynggori Cymru ar Reoliadau Adeiladu yn ei rôl statudol o ddarparu cyngor i Weinidogion Cymru (drwy swyddogion y Gyfarwyddiaeth Gynllunio fel arfer) ar ymarfer eu pwerau i wneud rheoliadau adeiladu yn ymwneud â Chymru, ac ar faterion eraill perthnasol.

Y prif ddyletswyddau:

- Bod yn bresennol ym mhrif gyfarfodydd Pwyllgor Cynggori Cymru ar Reoliadau Adeiladu, wedi darllen y papurau a ddarparwyd ymlaen llaw, a rhoi barn a chyngor ar gynigion, a rhannu arbenigedd a phrofiad. Ymateb yn yr un modd i geisiadau am farn a chyngor y gofynnir amdanynt drwy ohebiaeth rhwng cyfarfodydd.
- Eistedd ar Weithgorau'r Pwyllgor Cynggori a grwpiau/paneli eraill, fel y bo'n briodol, er mwyn helpu i ddatblygu polisi a chynigion technegol sy'n ymwneud â rheoliadau adeiladu, ac adrodd yn ôl i'r prif Bwyllgor.

Manyleb y person

Y Prif Sgiliau a Rhinweddau Personol sy'n Ofynnol

- Gallu a pharodrwydd i ddeall a dehongli gwybodaeth sensitif a rhoi sylwadau a chyngor ar faterion polisi – rhai ohonynt y tu allan i'ch maes arbenigedd chi o bosibl;
- Doethineb, gwrthrychedd, didueddrwydd a gonestrwydd;
- Sgiliau cyfathrebu da, yn enwedig ar lafar, a'r gallu i weithio'n adeiladol gydag eraill ar y Pwyllgor er mwyn cael consensws cyffredinol a i ymgysylltu ag eraill o'r diwydiant er mwyn cefnogi a chyfrannu tuag at waith y Pwyllgor a'r Gyfarwyddiaeth Gynllunio;
- Dealltwriaeth glir ac ymrwymiad i faterion cydraddoldeb a herio arferion gwahaniaethol pan fo'n briodol;
- Dealltwriaeth glir o 'Saith Egwyddor Bywyd Cyhoeddus' Nolan ac ymrwymiad iddynt .

Yn ogystal â'r sgiliau a'r rhinweddau personol a amlinellwyd uchod bydd angen i'r aelodau ddangos profiad mewn o leiaf un o'r setiau sgiliau arbenigol a ganlyn:

- Pensaernïaeth
- Rheoli Adeiladu Sector Preifat
- Sector adeiladau tai bach ac/neu fawr
- Adeiladau Busnes
- Cynlluniau Personau Cymwys
- Gwneuthurwyr cynhyrchion Adeiladu neu Ddefnyddiau
- Anghenion pobl anabl
- Syrfêwr meintiau neu Syrfêwr Adeiladu
- Gwasanaethau Adeiladu, Sifil, Peirianeg fecanyddol neu drydanol
- Cynaliadwyedd

Gwybodaeth a Phrofiad Hanfodol

- Hanes blaenorol neu wybodaeth broffesiynol yn y diwydiant adeiladu neu broffesiynau perthnasol i'r sectorau uchod.
- Profiad o ddydd i ddydd yn y sector adeiladu trwy ddefnyddio'r rheoliadau adeiladu a dealltwriaeth o ddeddfwriaeth a chanllawiau perthnasol
- Barn gadarn a'r gallu i wneud penderfyniadau a chyfathrebu a gweithio yn effeithiol fel rhan o dîm

Dymunol

- Sgiliau yn y Gymraeg. Rydym yn dymuno dod o hyd i unigolyn sy'n gallu cyfathrebu drwy gyfrwng y Gymraeg. Mae disgwyl i bob ymgeisydd ddangos ymwybyddiaeth o broffil ieithyddol Cymru a chefnogi pob ymgais i gydymffurfio â Safonau arfaethedig y Gymraeg.

AMLINELLIAD O'R TELERAU PENODI

Cyfnod y Penodiad

Mae'r penodiad am gyfnod o rhwng 1 a 3 blynedd ac nid oes isafswm nac uchafswm ar gyfer nifer aelodau Pwyllgor Cynggori Cymru ar Reoliadau Adeiladu. Gall Gweinidogion Cymru derfynu penodiad drwy roi tri mis o rybudd.

Yn amodol ar werthusiad boddhaol o'u perfformiad, bydd yr aelodau newydd yn gymwys i'w hailbenodi.

Ymrwymiad amser

Rhaid i'r Cadeirydd ac aelodau'r Pwyllgor allu neilltuo digon o amser a sicrhau digon o ymroddiad i wasanaethu Pwyllgor Cynggori Cymru ar Reoliadau Adeiladu. Fel y nodwyd uchod ym 'Manyleb Rôl yr Aelodau', bydd Pwyllgor Cynggori Cymru (h.y. y prif Bwyllgor) yn cyfarfod 3 gwaith y flwyddyn. Cynhelir y cyfarfodydd fel arfer yn Swyddfa Llywodraeth Cymru, Parc Cathays, Caerdydd, rhwng 10am a 4pm, â thoriad

o awr am ginio. Mae'n bosibl y bydd y pwyllgor yn cyfarfod mewn rhannau eraill o Gymru ambell waith. Bydd angen rhoi amser o'r neilltu hefyd cyn pob cyfarfod er mwyn darllen ac ystyried y papurau a anfonir at yr aelodau.

Bydd Pwyllgor Cynghori Cymru ar Reoliadau Adeiladu hefyd yn sefydlu gweithgorau, pan fo'n briodol, i helpu i ddatblygu materion technegol a materion arbenigol eraill sy'n gysylltiedig â rheoliadau adeiladu, gan ymgynghori'n ofalus â swyddogion y Gyfarwyddiaeth Gynllunio. Penodir gweithgorau ym mhrif gyfarfodydd y Pwyllgor Cynghori drwy alw ar wirfoddolwyr o blith yr aelodau ac anogir yr aelodau i ymuno ag un neu ragor o'r rhain, i weithio ochr yn ochr â swyddogion y Gyfarwyddiaeth Gynllunio a rhanddeiliaid allweddol eraill a allai gael eu cyfethol i'r gweithgorau hefyd. Bydd y gweithgorau'n cyfarfod cyn amled ag sy'n ofynnol – ac yn adrodd yn ôl yn rheolaidd i'r prif Bwyllgor Cynghori.

Mae'n anodd rhagweld faint yn union o amser y gellir disgwyl i aelod ei dreulio yn ymwneud â gwaith y Pwyllgor, ond mae'n debyg y bydd y cyfanswm ymrwymiad blynyddol lleiaf ar gyfer y prif Bwyllgor Cynghori yn cyfateb i tua 10 niwrnod, sy'n cynnwys amser paratoi. Byddai aelodaeth o weithgor wrth gwrs yn cynyddu hyn. Mae'r gweithgorau mwyaf at ei gilydd yn cynnal cyfarfodydd sy'n para am ddiwrnod tua 5-6 gwaith y flwyddyn a fyddai felly, gan gynnwys amser paratoi.

Tâl Cydnabyddiaeth

Nid yw aelodau Pwyllgor Cynghori Cymru ar Reoliadau Adeiladu'n cael eu talu ond gallant hawlio costau teithio a rhai costau rhesymol eraill. Ceir rhagor o wybodaeth yn Llawlyfr Aelodau Pwyllgor Cynghori Cymru ar Reoliadau Adeiladu.

Cymorth i Aelodau Anabl

Lle bo'n briodol, gwneir pob addasiad rhesymol i alluogi aelodau i gyflawni eu dyletswyddau'n effeithiol.

Llawlyfr Aelodau Pwyllgor Cynghori Cymru ar Reoliadau Adeiladu a Rhestr o Fuddiannau'r Aelodau

Ceir manylion llawn am rôl a chyfrifoldebau aelodau'r Pwyllgor Cynghori yn Llawlyfr Aelodau Pwyllgor Cynghori Cymru ar Reoliadau Adeiladu, a gofynnir i'r aelodau roi sylw iddynt.

Mae'r Llawlyfr Aelodau'n cynnwys Cod Ymarfer ar gyfer Aelodau, sy'n cyfeirio at faterion fel 'saith egwyddor bywyd cyhoeddus' a gwrthdaro rhwng buddiannau, ac mae hefyd yn cynnwys canllawiau ar gyfer ymdrin ag ymholiadau'r cyhoedd.

Ni ddylai unrhyw un sy'n gwneud cais i fod yn aelod fod â buddiannau eraill a fyddai'n amlwg yn gwrthdaro â'i gyfrifoldebau fel aelod o'r Pwyllgor. Dylid datgan unrhyw wrthdaro posibl rhwng buddiannau wrth lenwi'r ffurflen gais a datgelu gwybodaeth neu gysylltiadau personol a allai fod yn agored i'w camddeall pe baech yn cael eich penodi.

Yn unol ag Egwyddorion Nolan, sy'n seiliedig ar agwedd agored ac atebolrwydd, bydd yn ofynnol i aelodau Pwyllgor Cynghori Cymru ar Reoliadau Adeiladu gwblhau

a chyflwyno holiadur i gael eu cynnwys ar Restr o Fuddiannau'r Aelodau a chadw'r manylion yn gyfredol. Cedwir y Rhestr gan Ysgrifenyddiaeth y Pwyllgor Cynggori.

Y BROSES RECRIWTIO

Os ydych am ymgeisio am un o'r swyddi sy'n cael eu hysbysebu ar Bwyllgor Cynggori Cymru ar Reoliadau Adeiladu disgwylir i chi cwblhau ffurflen gais ar-lein. Fel rhan o'ch cais disgwylir i chi gyflwyno CV llawn a datganiad personol. Gweler y rhan Sut i Wneud Cais am fwy o wybodaeth.

Y dyddiad cau ar gyfer ceisiadau yw hanner nos ar **18 Gorffennaf 2016**. Ni fydd ceisiadau a dderbynnir ar ôl y dyddiad hwn yn cael eu hystyried. Bydd pob cais yn cael ei asesu gan banel sifftio (yn cynnwys swyddog o Lywodraeth Cymru, pobl wedi'u penodi o'r diwydiant adeiladu ac aelod annibynnol ar y panel) ar sail y meini prawf cymhwysedd a manyleb y person sydd i'w gweld yn y pecyn gwybodaeth er mwyn llunio rhestr fer o ymgeiswyr i'w galw i gyfweiliad.

Er nad yw penodiadau i Bwyllgor Cynggori Cymru ar Reoliadau Adeiladu'n rhan o gylch gwaith y Comisiynydd Penodiadau Cyhoeddus gwneir y penodiadau hyn gan ddefnyddio proses sy'n ystyried arferion gorau Cod Ymarfer ar gyfer Penodiadau gan Weinidogion i Gyrrff Cyhoeddus y Comisiynydd. Polisi Llywodraeth Cymru yw hyrwyddo ac integreiddio cyfle cyfartal ym mhob agwedd ar ei gwaith gan gynnwys penodiadau i gyrrff cyhoeddus. Mae'n croesawu ac yn annog ceisiadau gan grwpiau sy'n cael eu tangynrychioli ar hyn o bryd, gan gynnwys merched, cymunedau lleiafrifoedd ethnig a phobl anabl. Cymhwysir egwyddorion cystadleuaeth deg ac agored a gwneir penodiadau ar sail teilyngdod.

Bwriadwn gynnal y cyfweiliadau ar gyfer Aelodau Pwyllgor Cynggori Cymru ar Reoliadau Adeiladu canol mis Awst. Cynhelir y cyfweiliadau yn Llywodraeth Cymru, Parc Cathays, Caerdydd. Bydd modd i'r rhai a wahoddir i gyfweiliad hawlio costau teithio rhesymol gan Ysgrifenyddiaeth Pwyllgor Cynggori Cymru ar Reoliadau Adeiladu, ond rhaid dangos derbynneb.

Gwneir y penodiadau gan Ysgrifennydd y Cabinet dros yr Amgylchedd a Materion Gwledig ar sail argymhellion y panel cyfweild.

I gael rhagor o wybodaeth a gwneud cais, ewch i www.cymru.gov.uk/publicappointments neu os oes gennych ymholiadau cysylltwch â (029) 2082 5454 / <mailto:sharedservicehelpdesk@wales.gsi.gov.uk>.

I gael rhagor o wybodaeth am Bwyllgor Cynggori Cymru ar Reoliadau Adeiladu cysylltwch â:

Francois Samuel, Pennaeth Rheoliadau Adeiladu ar 03000 628232 neu anfonwch ebost i francois.samuel@wales.gsi.gov.uk

SUT I WNEUD CAIS

I wneud cais ar gyfer y rôl hon, dewiswch swydd ac wedyn dewiswch 'Gwneud cais'. Y tro cyntaf i chi wneud cais am swydd, bydd angen i chi lenwi ffurflen gofrestru ar gyfer system ymgeisio ar-lein Llywodraeth Cymru. Unwaith yn unig y bydd angen i

chi gofrestru a byddwch yn gallu cael gwybodaeth gyson am hynt eich cais, ac unrhyw geisiadau eraill a wneir gennych, drwy eich cyfrif cofrestredig.

Ar ôl i chi gofrestru, byddwch yn gallu agor y ffurflen gais. I wneud cais, bydd angen i chi gyflwyno **dwy** ddogfen ategol. Y ddogfen gyntaf yw datganiad (dim mwy na dwy dudalen A4) sy'n disgrifio sut mae eich gwybodaeth, eich sgiliau a'ch profiad yn bodloni'r meini prawf ar gyfer y rôl fel yr amlinellir yn y wybodaeth i ymgeiswyr. Yr ail ddogfen yw CV llawn a chyfoes. Dylid lanlwytho'r ddwy ddogfen i'r adran 'Rhesymau dros wneud cais' yn y ffurflen ymgeisio ar-lein.

Yn eich cais, bydd gofyn i chi ddarparu manylion unrhyw weithgareddau sydd wedi eich helpu i ddatblygu sgiliau a allai fod yn ddefnyddiol mewn penodiad cyhoeddus a rhestru'r sefydliadau lle gwnaethoch ymgymryd â'r gweithgareddau hyn. Rydym hefyd angen gwybod am unrhyw weithgarwch gwleidyddol rydych wedi ymgymryd ag ef yn ystod y 5 mlynedd diwethaf.

Argymhellir eich bod yn cofrestru am gyfrif ac yn agor y ffurflen gais cyn gynted â phosibl er mwyn gweld sut mae'r ffurflen wedi'i strwythuro, cyn dechrau paratoi eich tystiolaeth. Nid oes rhaid ichi lenwi'r ffurflen gais gyfan ar unwaith. Gallwch arbed popeth rydych wedi'i ysgrifennu ac allgofnodi o'ch cyfrif a mynd yn ôl at eich cais anorffenedig yn ôl yr angen nes eich bod yn barod i'w gyflwyno - dilynwch y cyfarwyddiadau ar y ffurflen.

Os hoffech gael rhagor o gymorth i wneud cais am y rôl hon, cysylltwch â desg gymorth Canolfan Cydwasanaethau Llywodraeth Cymru drwy ffonio 029 2082 5454 neu e-bostio DesgGymorthCydwasanaethau@cymru.gsi.gov.uk.

I gael rhagor o wybodaeth am benodiadau cyhoeddus yng Nghymru, ewch i www.llyw.cymru/penodiadaucyhoeddus.